

[Inicio](#) > A Xunta intensificará a súa colaboración coas entidades galegas presentes en Venezuela se aumentan as necesidades

A Xunta intensificará a súa colaboración coas entidades galegas presentes en Venezuela se aumentan as necesidades

Miranda recibiu hoxe, venres 17, en audiencia ao presidente e ao secretario da Hermandad Gallega de Venezuela en Caracas, unha das colectividades máis numerosas da diáspora galega en todo o mundo.

Á marxe das axudas xerais para a Galicia do Exterior, Emigración desenvolve medidas específicas para axudar a paliar as situacións máis delicadas detectadas polas propias colectividades galegas no país.

- [Descargar\]](https://emigracion.xunta.gal/files/nova/2017/02/33860-dsc-0032.jpg)" href="https://emigracion.xunta.gal/files/nova/2017/02/33860-dsc-0032.jpg" title="De esquerda a dereita: González, Miranda e Alejandro, durante a reunión de esta mañá en Santiago de Compostela" >



De esquerda a dereita: González, Miranda e Alejandro, durante a reunión de esta mañá en Santiago de Compostela

- [Descargar\]](https://emigracion.xunta.gal/files/nova/2017/02/33860-dsc-0015_0.jpg)" href="https://emigracion.xunta.gal/files/nova/2017/02/33860-dsc-0015_0.jpg" title="De esquerda a dereita: González, Miranda e Alejandro, durante a reunión mantida esta mañá no despacho do secretario xeral da Emigración en Santiago de Compostela" >



De esquerda a dereita: González, Miranda e Alejandro, durante a reunión mantida esta mañá no despacho do secretario xeral da Emigración en Santiago de Compostela

- [Descargar\]](https://emigracion.xunta.gal/files/nova/2017/02/33860-dsc-0024.jpg)" href="https://emigracion.xunta.gal/files/nova/2017/02/33860-dsc-0024.jpg" title="De esquerda a dereita: Alejandro, González e Miranda, durante a reunión mantida esta mañá no despacho do secretario xeral da Emigración en Santiago de Compostela" >



De esquerda a dereita: Alejandro, González e Miranda, durante a reunión mantida esta mañá no despacho do secretario xeral da Emigración en Santiago de Compostela

Santiago de Compostela, 17 de febreiro de 2017.

Enmarcada na permanente e especial atención do seu departamento á situación que atravesamos a colectividade galega en Venezuela, o secretario xeral da Emigración, Antonio Rodríguez Miranda, recibiu hoxe venres día 17 en audiencia ao presidente e ao secretario da Hermandad Gallega de Venezuela en Caracas, Roberto González e José Antonio Alejandro, respectivamente.

Miranda e os dous directivos da Hermandad repasaron a actualidade do país e o funcionamento dos diversos programas e liñas de actuación que a Xunta desenvolve naquel país coa activa colaboración das comunidades galegas, e estudaron as posibles vías para intensificar e optimizar esa colaboración, especialmente nos casos de situacións máis delicadas detectadas polas propias colectividades: “As comunidades galegas son os nosos ollos e mans sobre o terreo, sen o seu concurso a nosa axuda non podería chegar aos seus destinatarios naturais, na maioría dos casos”, afirma Miranda.

O Goberno galego segue con especial atención os acontecementos en Venezuela, e está en permanente contacto coas comunidades galegas asentadas no país, de entre as que a Hermandad Gallega de Venezuela en Caracas é a máis numerosa.

Diversas liñas

O investimento que a Xunta realiza para axudar aos galegos e galegas de Venezuela desenvólvese en diversos eixos. Por unha banda, a través das achegas directas individualizadas, que no ano 2016 axudaron a 195 familias; os convenios sociais e asistenciais con entidades que actúan alí, e acollida en institucións de coidado a persoas galegas: aténdese directamente en territorio venezolano a máis dun millar de galegos e galegas, en colaboración con diferentes institucións; a través das axudas ao retorno emprendedor, que axudaron á creación de medio cento de empresas por parte de empresarias e empresarios e autónomos que volveron á terra, entre quen as e os procedentes de Venezuela son o grupo máis numeroso; así como os programas específicos para a mocidade e maiores na diáspora, entre cuxas beneficiarias e beneficiarios son número destacable os residentes en Venezuela. O orzamento destinado para Venezuela a estas liñas en 2016 ascendeu a máis de 600.000 euros, e prevese a posibilidade de reforzar esa partida orzamentaria se for necesario.

Todas estas actuacións da Administración autonómica non serían posibles sen o esforzo diario de directivas, traballadoras e traballadores e voluntarias e voluntarios das comunidades galegas presentes no país. Segundo consta no Rexistro da Galeguidade a data de hoxe, existen arestora en Venezuela entidades con sede en Caracas, Maracaibo, Valencia e Puerto La Cruz.

A Hermandad Gallega

A Hermandad Gallega de Venezuela en Caracas conta con máis de 25.000 familias galegas asociadas, e configúrase coma unha das entidades cívicas e sociais máis importante da República de Venezuela. Posúe dúas sedes, a principal en pleno centro da capital venezolana, que acolle o Centro de Día ‘Santiago Apóstol’ no que se atende a maiores case todos e todas de procedencia galega, o Colexio ‘Castelao’ de ensino primario e secundario, instalacións sanitarias con consulta diaria, servizos de urxencia e farmacia, e tamén unha oficina de atención socio sanitaria en colaboración coa Xunta.

Ademais, conta cunha importante biblioteca con máis de 5.000 volumes, e fomenta actividades musicais (dous grupos de gaita e tres de baile, máis unha coral), culturais, lúdicas e deportivas (equipos de fútbol en quince categorías, ademais de conxuntos de fútbol sala, baloncesto, voleibol, e natación) relacionadas con Galicia e a súa diáspora.

A ‘Hermandad’ naceu en 1960 froito da fusión do Lar Galego, da Casa de Galicia e do Centro Galego, e nos seus 57 anos de existencia foi medrando tanto na súa cantidade de socias e socios (desde os 800 iniciais) coma na carteira de servizos prestada á colectividade, ata converterse arestora no referente fundamental da vida social e cultural de Caracas.

Máis de 46.000 galegas e galegos

Segundo os últimos datos do Padrón de Españóis Residentes no Estranxeiro do Instituto Nacional de Estatística a 1 de xaneiro de 2016, residen en Venezuela un total de 46.095 galegas e galegos, dos cales 29.684 (un 64'4 por cento) naceron xa na diáspora. Trátase, trala canaria, da colectividade española máis relevante nun país que está a atravesar momentos de especial incerteza sobre o seu futuro.

[Economía, empresa e emprego](#) [1]

[Emigrantes](#) [2]

[Xunta de Galicia](#) [3]

[Secretaría Xeral da Emigración](#) [4]

[Centros Galegos](#) [5]

© GaliciaAberta | Secretaría Xeral da Emigración

URL do envío (modificado o 22.01.2019 - 12:35): <https://emigracion.xunta.gal/actualidade/nova/xunta-intensificara-sua-colaboracion-coas-entidades-galegas-presentes-venezuela-se>

Ligazóns

[1] <https://emigracion.xunta.gal/etiqueta/economia-empresa-e-emprego>

[2] <https://emigracion.xunta.gal/etiqueta/emigrantes>

[3] <https://emigracion.xunta.gal/etiqueta/xunta-galicia>

[4] <https://emigracion.xunta.gal/etiqueta/secretaria-xeral-emigracion>

[5] <https://emigracion.xunta.gal/etiqueta/centros-galegos>